



24. 22. 173 III
P R I M V M
SOCIETATIS IESV
S Æ C V L V M
V I R T V T E A C L I T E R I S
I L L V S T R E

DE I prouidentia, et augusto
Principum Orbis *Kanon*

P A T R O C I N I O *Andney*
Fortunatam Religiosæ Felicitatis,
Ingrediens Æternitatem.

AVSPICIIS,

ILLVSTRISSIMI DOMINI,

D. I O A N N I S N I C O L A I

à Z V R O W

D A N I Ł O W I C Z,

SVPREMI THESA VRARI I REGNI:

Premislien: Samborien: Drohobicen: Ratinen:
Kolensis, &c. &c. CAPITANEI.

Ex

Regio SOCIETATIS IESV Collegio Cracouien.

Anno Christi, M. DC. XL.

Societatis Sæculari Primo.



C R A C O V I Æ,
In Officinâ Typ: Valeriani Piątkowski.



15574

BIBLIOTHECA
VNI^{VERSITATIS} IAGELL.
CRACOVENSIS

925186




Hæredem quisquamné neget fore si
deris illum?

Cûi, vigil in terris excubat ipse
Polus.

Illustrissimo Domino,
D. IOANNI NICOLAO
á Z V R O W
D A N I Ł O W I C Z,
SVPREMO THESAURARIO REGNI,
Premislieñ: Samborieñ: Drohobiceñ:
Ratineñ: Kolenfi, &c. &c.
CAPITANE O.

Domino & Benefactori Obseruan-
dissimo.

 *Esisset mirari fama ILLUSTRIS-
SIME D. ingens in unâ naui sæcu-
lum servatum fuisse aliquando, post-
quam intellexerit, tuo unius in pecto-
re, centeno reuoluta orbe Sæcula, me-
lius quàm gemmam annulo, solem u-
niuerso, includi potuisse! Ut iam prouum sit suspicari, te,
cum Magno I G N A T I O, Sanctioris æui auspiciu, curis
communibus partitum, melius quàm ille cum Ioue imperiũ,
diuissse. Hoc enim demum ad heròicam exaggerati animi
tui restabat amplitudinem, ut Sæculorum etiam ageres
Mecænatem, adeoq; ad annos etiam, ac tempora Felicita-
tis Religiosæ tua sese extenderet munificentia, eò victura
perennius quo fideiiores naçta est debitores. Addant hos
tibi superi annos Illustr: D. quos tuo inscriptos fauore, mi-
nima hæc Societas I E S V ad illud bonæ spei promontorium,
ad insulas traicit fortunatas. Cui gentilitiam utiq; Lunam,
geminis aspectabilem facibus commodasti, ne primum ena-*

uiganti Sæculum sui deessent Castores & Polluces. Quin
& nostros tibi volentes impenderemus soles, si quidpiam
ei addi posset, qui exhaustâ factis inuidiâ, securus de con-
sequentis æui iudicio, impleuit æternitatis fastos. De in-
termicantibus verò *DANILOVICIÆ* Gentis sideribus
quid attinet dicere? quæ cum Uniuersæ Societati tum po-
tissimum Principis Apostolorum Onerariæ luxerunt cum
hilaritate. Illud iurè mihi dolendum, quod ad tam lacer-
tosam Herodicæ liberalitatis tuæ, beneficentiam, impar acce-
do laudator, si laudatore, opus sit, ubi ipsa melius perorent
gesta. Pugnaret hic suo cum nomine Tacitus, si in hanc
tantam Virtutem, quæ unatot Sæculis condendis satis esset,
incidisset, cui non Romuleus modò Terentius at Martius e-
tiam campus qui primum Sæcularibus Olympiis patuit, an-
gustus videretur. Quas verò aras! quæ sacra moliretur
quos instauraret ludos Romana Antiquitas, huic tuæ Cyn-
thiæ! quæ tam benefico illapsu plenis cornibus in Societatis
nostræ Sæculum quò esset pretiosius redundauit. Vtere Il-
lustrissime Domine semper orientibus cæli tui sideribus, &
crescentem hanc sequé suo tegentem rubore Auroram no-
stram, explicatâ primi Sæculi mirare in umbra. Cæterum,
Illustr: D. Sæculorum negotium est Sæculi commendare
Mecanatem. Vale.

Illustr: Dominationis Tuæ

Seruus

ANDREAS KANON
Soc: IESV.

Sæcularis
SOCIETATIS IESV
ANNVS.




T se fugacis docta licentiæ
Volunt perito Sæcula turbine!
Labuntur Ætates, & Anni
Non iterū remeante passu!
Mens certa Recti sola volubilis
Coërcet ignes ætheris, arduo
Sublimis in fessu, nec inter
Ambiguos, fugientis æui
Labente gressu fluctuat impetus.
Hæc & ruenti Signifero moras
Imponit, hæc doctâ relaxat
Lege, vagos cohibetq; Menses,
Et parciores ire volentibus
Horis lupatos induit, & leues
Castigat auras, temporumq;
Præcipites remoratur alas.
Hâc septus olim nil popularibus
Debat auris, conditor arduæ
LOIOLA molis, cùm fauentûm
Consilio monitisque Diûum,
Æqui tenacem, nec vacuam sui
Intra patentis regna modestiæ
Primis redordiretur Urbem
Sedibus, innocuisq; Legum
Sepiret armis. quam neq; turbidus
Læuum tonantis præsidio Iouis

A

Perrum-

Perrumpat axis, nec Tyrannus
Æoliæ comitatus aulæ
Aut crebra diræ verbera grandinis
Mistumué nimbis fulmen, & horridi
Refusa tempestas Profundi
Deijciat subeunte fluctu.
Illi & supellex Temporis, aureum
Latè corusco nubis in alite
Vectigal impendit quotannis
Et famuli sine labe soles
Horæqué, Mensesqué, & rapidus vehi
Æther, & omnis regia siderum,
Tributa soluit, supplicesqué
Accelerat pia Luna census;
Quales nec aurêi prodigus alvei
Ganges, avaræ deproperat Tyro
Cum diues electri, superbo
Attonitos lauat amne campos.
Qualesué rubræ collibus Indiæ
Nec non Lyburnis montibus abditi
Graia sué certatim per vrbes
Ditibus effodiuntur antris;
Sed quos peritis Dædala malleis
Virtus, reducto mentis in otio
Diffinxit, atq; avara cæli
Regna per &, populosq; sparsit.
Tunc fulgur auri, tunc adamantini
Soles, & omnis copia montium,
Diuesq; venarum supellex
Ad patrias remeare cunas:
Tunc innocenti currere protinus
Mores metallo per Tyberim, & Tagum,
Rhenumq;

Rhenumq; Scaldimque, & refusi
 Ora Padi, vitrei que Mosæ.
 Iam tunc, auaros Nereidum Pater
 Ingens aquosæ Rex opulentiae
 Puniuit amnes, & nocentes
 Arduus increpuisse ripas
 Puniuit omnes mercibus Insulas
 Lucri perosus, protinus & Mare,
 Et littus, & contaminati
 Quæstibus erubuere portûs.
 At Fraus, & ater Liur, & improbi
 Germana lucri progenies, retrò
 Cesserê, & extremam frementes
 Inuidiæ petière Thulen.
 Et se fatiscenti, heu! senio piger
 Agnouit orbis, dissimilem sui
 Gratùm reuertentis iuuentæ
 Purpureo reuifescere æuo.
 O qui obligatis grande clientibus
 Euoluis æuum, nobilium Parens
 L O I O L A captorum, Quirinâ
 Vrbe super, facilem videri
 Suspende currum, quâ tibi MYTIVS
 Et obsequentum castra Quiritium,
 Et læta se probant Iuuentæ
 Agmina, Purpureiq; Patres.
 FARNESIANI quâ tibi Nominis
 Surgunt honore LILIA Vertice
 Et BARBERINARVM, beata,
 Agmen ARVM Tibi sæcla condit.



Diuo Ignatio Societatis I E S V

P A R E N T I.



Aiore si quid lusimus haftenus
O Phæbe plectro, te speciosius
Impende Patri, cui merentē
Gestit Honos redimire frōtē.
At tu tuorum prime Sodalium
LOIOLA salue! Sæcula te retrò
Dixêre Patrem; dixit ingens
Americæ Asiæq; regnum.
Ex quo monentis munere Numinis
Inter seueri fulmina Prælij
Crebrasq; murorum ruinas
Flamma graui metuenda plumbo
Te destinato molis aheneæ
Tentauit ictu, Gratia protinus
Narratur ad terras ruentem
Non humili subiisse dextrâ
Sacræq; iam tunc nectare Gloriæ,
Acre, & dolori cedere nescium
Pectus, remulxisse & fatenti
Gaudia non tenuisse Vultu
Locuta coram: Parce Pugil metu.
Et tu decoro vulnere fulcies
Loiola mundum, Tu caduci
Consilij, animisq; sistes
Orbis ruinam. Sunt alij Tibi
Antæi, & acri Geryones manu
LOIOLA sternendi, neq; vno
Dissidij metuenda hiatu

Heu

Heu! discoloris monstra Superbiæ.
 Dum pulchra laudum te stimulat fames
 Ferriq; dum nondum refedit
 Prima fitis, calidæq; pugnæ.
 Mox fama clarum Thesea nesciet,
 Et ipse tanto mox minor æmulo
 Gaudebit Alcides videri
 Et domito tibi cedit orbe.
 Nec pulchra belli causa, nec arduo
 Delecta bello robora, nobiles
 Iræq; defunt, non laborum
 Non animi decorumue parca.
 Pubes, sed altum quæ generosiùs
 Hauserê Martem, sunt Tibi strenuæ
 Mentes Honesti, sunt aperto
 Pectora splendidiora vero.
 Iam Roma numen, iam socias tibi
 Dant regna vires: conciliat manus
 Noui Sacramentum Gradiui &
 Magnanimos tua laus Achates.
 Non indecoro qui benè, mobiles
 Casus duello, Fataq; prouocent,
 Belloq; Fortunam laceffant
 Et tumidæ dubia arma Diuæ, ac
 In se labantis pondera sæculi
 Et dimicantùm funera Principum,
 Rixasque, mentiumq; clades
 Et miseros pereuntis æui
 Curent labores, & malè pendulis
 Dextraq; rebus collaq; commodent,
 Minaq; regnorum reclines
 Impediant subeunte collo.

DIVO IGNATIO nouo Ro-
manæ Religionis
PROPVGNATORI.



Ingens tuorum gloria temporum
Et sanctioris Militiæ caput
Diuine LOIOLA, & vetusti
Præsidium columenq; Veri.
Per te fecundis edita partibus
Morū, & fidelis propofiti tenax
Succreuit ætas, quæ parentū
Dedecores, meliore cæpto
Excuset ausus, & proauūm rudes
Deique, cælique, in melius piā
Incude diffingat labores,
Aut facili pietate celet.
Per te superstes Religio, sui
Largam, & recentem fert animam à Dijs
Gaudetq; celsior videri
Eq; tuo magis igne diues
Tibi comarum pondus, & asperos
Gemmis Tiaras, irradiantium
Nexus coronarumq; & auro il-
Lustre Pedum, radiosq; debet,
Stellamq; comptis crinibus illitam, &
Crinale, vittas, Pontificum decus,
Et frontis immortale fidus
Et capitis tibi debet ignes
Defuncta seu cū grandibus Ardui
Curis, & alti mole negotij,
Septena prospectat, fidelis
Colla iugi: dominâq; mundi

Ab arce

Ab arce, vastis iura trionibus
Europæ, & altis Americæ plagis
Edicit, increpatq; sacra
Sacra suis inimica sacris.
Tibi, remotas, præses & arbitra
Impunè sparsis in Zephyros comis
Errat per vrbes, & Latinis
Accumulat pia signa signis,
Et vota votis, & precibus preces
Ritusq; gaudet Ritibus, & vagas
Eheu! reluctantum phalangas
Aufonijs fociare castris;
Tibiq; priscis per populos fluit
Ceris auorum, & per Rhodanum procul
Albimq; Viliamq; & Istrum,
Et rapidi cita colla Vlnæ.
Illam & iocosis Vistula flexibus
Purum fluenti gurgitis agmine
Effingit, argutoq; lymphæ
Dardanias ruit ore vittas.
Matremq; grato non sine fontium
Clamore, sanctis insonat amnibus,
Romamq; Romanosq; Ritus
Compositis veneratus vndis;
Tybrimq; Patrem lenè cadentibus
Confessus aluêis, ter vitreas, vitæ
Illimis, exciuit choreas
Ad numerum saliente fluctu.
At ô perito, qui fugientia
Vrges rotatu secla, tui rudes
Diffinge barbaros in aurum, &
In Latij pretium Tiaræ.

DIVO IGNATIO

Aurea Diuis sæcula Instauranti.



D te peracti plurima sæculi (suâ
Hinc inde merces sponte redit
Sublimis IGNATI! ô Deorū
Digne tholo, superumq; sa-
(cris

Hærerere mensis. Te Pietas, duce,
Formosa mundi rura perābulat,

Fas Templā, Curiamque Verum
Et niueum Fora lustrat Æquum.

Seseq; vulgò lætior, aureis
Virtus theatris explicat, integram
Datura scenam. quam Latinis

Relligio comitata sacris
Rituq; Cultuq; & radijs Deūm
Et Vaticanæ messis adoreis
Adornat illustrem videri

Ore sacros iaculante soles.
Hinc ille Templis vultus, & æmulis
Cognatus astris fulgor, in omnia
Se sponte misit, & latentes
In precium emicuere cultus.

Hinc ille tectis Cælituum nitor
Lucem coruscis solibus inuidet:

Hinc illa delubris Deorum
Forma, sacros imitata vultus
Non vsitata lucis amabili
Offulsit astro: diues imaginum,

Sacer-

Sacerq; maiestate rerum
Errat honor, pretiumq; totas
Fusum per aras, currere sedulo
Exundat amni, fulgurat illitum
Aurum lacunari, & coruscis
Marmoribus sacer extat horror.
Ingens egestas, grandè micantibus
Excessit aris; ditiùs ilicet
Cæperê, & aulæis & ostro
Indigetes habitare Diui.
Quæq; obsoleto muta silentio
Stetêre dudum Tempa, recentibus
Donisque, cantuque, & precatu, &
Supplicibus caluerê flammis.
Fleuisse iam tunc vilius aspicî
Narratur aurum, se famulantium
Nimbus, honoratâque circum
Destitui Procerum coronâ.
Non luce sceptri, non radiantibus
Cingi catheruis, supplicibus neque
Votis salutari, & dolofo
Ora coli medicata limo.
Nec mole regni, nec popularibus
Vehi quadrigis, nec procul obuios
Currus adorari, aut reclinî
Poplite procubuisse regna.
Mæstum reductis indoluit genis,
Diuque fundens: quò vigil Ambitus?
Quò pompa? quò nostræ recessit,
Ille frequens equitatus aulæ?
Superstes olim stat, medijs Honor
Quæsitus aris. Cætera coruunt

C

Vrgen-

Vrgente fatorum sub ictu, &
 Canitie titubantis æui
 Tu regna Diuis, Tu generosius
 Reducis æuum Cælitibus, duce
 Te, prisca Saturni redire
 Secula, Pater, probat orbis ingens.

D. I G N A T I O
 Primum Instituti sui sæculum
 agenti.



(ces,
 Quali volentes Magne Pater Du-
 Et Regiarum pectora mentium,
 Ludo moraris, quo Deorū
 Munere, blāditijsq; cæli
 Regum secundis influis auribus!
 Mentefq; dulcis nectare gloriæ
 Delodis, ingentemque præbes
 Principibus populisquē scenam!
 Videtis? Illinc MVNIFICENTIA
 Quam non avaris cincta cohortibus
 Per Sacra Cælitum theatra
 Spargit opes; faciliq; gazas
 Passim per aras pectore conferit,
 Pronâque iactat diuitias manu!
 Hinc Candor, & venusta dictis
 Gratia, Virgineiç; mores,
 Et sparsa lætam Simplicitas comam,
 Et iuncta pulchro fædere Veritas,
 Cultusque diuinæ parentis,
 Et Superûm studiosus ardor
 Gratum

Gratùm perorant. Parte aliâ Pudor
 Tristis videri prodit, vt vnicè
 Sibi verecundus, pudico
 Ora premit taciturna vultu.
 Illinc reductâ fronte Modestia.
 Non inficeto muta silentio
 Scenam peregit; parte at illâ
 Explicuit sua signa latè
 Depræliatrix vnica mentium,
 Regina Virtus! quam niuei vigil
 Cohors Honesti, Fasqué & Æquum, &
 Prisca Fides, & aperta pandis
 Lætum coronat Gratia cornibus,
 Sacerqué magni Numinis ambitus
 Et Cura Diuorum serenis
 Circumeunt Dominam choreis.
 Nunc innocenti spargis opes manu
 Quas pulchra cæli diripiat sitis,
 Nunc grande, vicatim secutis
 Fers patribus puërisqué carmen,
 Densoqué plebis cinctus ab agmine
 Aurestriumphas, integer eloqui
 Vitæqué non mendax theatrum,
 Assimulas, auidumqué Scenæ
 LOIOLA mundum regnaqué distines.
 Tibique debet sollicitus sui
 Spectator orbis, non egentis
 Lucra animi, facilesqué priscæ
 Virtutis ausus! ô hominum salus
 Regnisqué præsens tristè labantibus
 LOIOLA ceruix. Te patronum,
 Præcipitis fuga prima sæcli

Et vecta sacris Lustra Fauonijs
 Iocantis auræ non finè Plausibus,
 Ter lenè responderê, Patrem.
 Ter pelago piâ dixit Echo.
 Ter visus axis, visa ter ilicet
 Lactentis ingens semita circuli
 Ridente se mouisse cælo
 Astra metu glomerante circum.
 Audiuit æther & Vigil igneas
 Noctis choreas egit, amabili
 Plauserê certatim tumultu
 Signiferi vaga monstra currûs,
 Quo noctis ignes? quo mihi Regia
 Stellantis aulæ? quid redeuntia.
 Hinc inde, non morante passu.
 Suspiciam piger exul astra?
 Aut structa mirer, dulcè micantibus
 Theatra stellis? mirer & igneum.
 Scenæ pauimentum, & venustos
 Cæruleum per inane gestus?
 Morer quid vltra fidera? si Tibi
 Retrò citati proxima Sæculi
 LOIOLA non læuè peracta est
 Teste Deo superisq; Scena!



Primus
Diui Ignatij Socius
PETRVS FABER ALLOBROX.

NI sola Virtus, præcipites vehi
Compelcat annos, frænaquæ præpeti
Adducat æuo, nec proteruis
Ire finat vaga Lustra pennis.
Laudes auorum quis bene patrijs
Inscribat astris? & merita, & genus
Æternèt? I formosa per ve-
stigia diffugientis æui
Arundo felix, non popularium,
Fæcunda laudum. Stat veteres Patrum
Ausus redordiri, & benignos
Carminè sollicitare mœurs.
Et iam nouorum conscius ausum,
Non vñtati Martis amoribus,
Primoq; flammatus iuuentæ
Igne, FABER, sua sacrat arma.
Et robur; ô Lux! Allobrogum breuè ô
Sidus parentum! Nobilium recens
Aurora cæptorum, & locatæ
Primus Honos Columenq; Molis!
Tuas reposcunt, magne Pugil manus
Late patentis damna Coloniæ
Ritusq; sacrarumquæ acerba
Naufragia, interitusquæ Legum
Temæsta poscunt Busta iacentium
Hinc inde Diuûm, te male feruidi
D Pugnaq;

Pugnæq; Bucerî, (heu nefanda.
Castra) Melanchtoniæq; fraudes.
At non inani nomine, te retrô
Sensêre Fabrum sæcula aheneis
Procusa nodis, rursus in aurum
Petre tuis abitura curis.

S. Franciscus Xauerus
Nauarrus.

QVîs ille verô se placidis tibi
Infundit vlnis? pectora viuidi
Agnosco Xaueri, flagrantés
Nosco genas, animamq; longé
Vultu eminentem. Numinis in tui
Sinu reclines da Pater Indias
Hæsisse, da sacros bibisse
Aure sonos: Latiaq; numen
Audisse Matris. Iam tibi Gloria
Late per orbem distulit aureum
Francisce nomen. Tu sepulchris
Heu! violens, animasq; ab ipso
Reducis Orco, nobilis vltimi
Vastator orbis. Iamq; tibi ad pedes,
Se regna sternunt, sterniturq;
China nouæ dominator oræ.
Sensêre fracto te Pater æquora
Sensêre fluctu, dum tibi vitream
Flexêre ceruicem, & reclini
Marmora procubuêre lymphâ.

Per te

Per te Latinis Indus & Æthiops
Affusus aris, & Latij Patrem,
Cultusque certatim Quirinos
Congeminant, veterum propago
FRANCISCE Regū: Quid? quod adhuc tegit
Ingens labores Oceanus tuos!
Quantumque de tuis recondit
Sol oriens moriensque gestis!

Iacobus Lainius Seguntinus,
& Salmeron.

QVo, Vos Deorum nomine consecrem,
Addamque, fastis? ô geminum sacri
Numen Tridenti! quo calentes
Ore fatis memorabo pugnas
Ductosque latè non fine Laureis
Dicam Triumphos? Hinc mihi Lainij
Se fama pandit, quam serenis
Pulcher honor Comitatus alis
Regnisque centum, & spontè fidelibus
Renarrat oris: Te duce Plausibus.
IACOBE certatim trecentis
Dardana personuisse Rostra.
Seu non profanæ flumine copiae
Blandum Quirinis affluis auribus
Orator, & Romana leni
Corda feris animosque lymphâ.
An & frequentis Concilij sacras
Triumphat aures? oris & ingeni

Sublimis? & captiua Patrum
Vota rapax animosqué secum
Exuberanti diuitis eloqui
Deuoluit amni? raptaque cum suis
Momenta Causis, & modesto
Agglomerat Placita alta fluctu?
Hinc & Deorum turbâ aliquis palam
Dixisse: Nusquam dignius hactenus
Romana Maiestas Locutam
Se meminit, magis ore Laini!

Alphonfus Salmeron To-
letanus.

SIC te perenni Viuere nobilem
Donauit æuo candidus artium
Diuesqué Cultus, ô Voluptas,
O auidi sitis vna Laini!
Quantus Latinæ flumine copię
Patrum seueris influis auribus
Orator! & doctum cadenti
Per populos ruis amne linguæ.
Tunc Mens Tridenti tunc tibi consono
Assensit omnis murmure Curia
Plausêre certatim plateæ, ac
Vocibus intonuêre centum
Errante circum plurima nobili
Theatra plausu. At vocis amabilis
Imago, Lainium, & decorâ
Congeminat vice Salmeronem.

Quos

Quos Candor altæ Proditor indolis,
 Virtusq; largi nuntia pectoris
 Fecêre consortes laborum, ac
 Moribus ingenioq; Fratres.
 Te Roma quondam, te Latij Patres,
 Et Vaticanæ lumina Curia
 Thuscæq; suspexêre gentes
 Et Lechicæ Cracus acer oræ
 Externi amicum fideris hospitem,
 Vidit iuventæ docta per atria
 Quondam perorasse, & Lycæi
 Attonitam tenuisse Pubem.

Nicolaus Bobadilla Pa- lentinus.

QVin & nouarum dat pharetras mihi
 Vienna laudum. prome reconditum
 Infracte Bobadilla, telum
 Ponè tibi, tumidus videri
 Antæus instat, secum odia & necem
 Fraudesq; cogens, iamq; tibi & faces
 Minatur & ferrum, & Latinis
 Excidium violentus aris.
 Sed tu trisulci fulminis in modum,
 Iustas auitâ pro Latij domo
 Assurge in iras. Te secundo
 Excipiet fremitu Senatus,
 Et regionum gloria plausuum,
 Creberq; plenis circus honoribus

E

*Celebre e-
 iuscertamē
 victoria
 de Luthero
 Viennæ in
 aulâ Ferdi-
 nandi Re-
 gis frequē-
 ti Senatu
 reportata.*

Doctis

Doctis reuertentem triumphis
Accipiet. Tibi mox reclin
Sternetur omnis poplite Ciuitas
Confessa Patrem; te recinent procul
Effusa gratantis iuuentæ
Atria, Palladiæq; voces.
I perge felix, & male garruli
Torrentis iras deijce, turbido
Ne linque ne vigil profundo
Trastra sacræ Palinure classis.
Et ipse dudum sollicitus, tuo
In ore librat, non vacuas metu
Spes Ferdinandus; fixa pendent
A te auidi cupida ora veri.
Mentemne ludit spes nimium suo;
Defixa voto? Iam capitis minor
Lutherus, infausta pudendos
Mæret humi posuisse vultus.
Audiris omni Victor ab agmine
Ingens, & execrabile, & efferum,
Strauisse monstrum. Iam laborum
Grata, tibi meritam coronat
Vienna frontem. Iam tibi tempora
Non indecoro populus ambitu
Inserpit, imponitq; virtus
Herculeâ tibi fronde sertum.

Simon Rodericius Lu-
sitanus.

HÆc illa virtus, quam procul vltimus
Per decorem solibus Indiam

Rapra-

Raptauit orbis! quo Deorum
Ore, tuis Roderice vitam
Addam sepulchris? Te resonabilis
Vectat remotas fama per insulas,
Te rumor, & clamata totis
Americæq; Asiæq; regnis
Narrat trecentis Gloria portubus!
Xaueriani conscie Numinis,
Flammæq; testis. Te nec auri
Sacra fames, nec auara Lucri
Fluxæq; mercis corripuit sitis,
Eheu! paterni littoris exulem
Sed alta syluescentis oræ
Barbaries; operumq; felix
Lethi haud pauentem spiritus impulit.
Tibi potentum Curia Principum
Regumq; panduntur penates;
Tu virides moderaris annos
Florentis æui: tu niueum aduocas
Cunis Honestum. Iamq; tibi nouos
Debent Alexandrosq; centum
Et Carolos, Orientis oræ.

Claudius Iaius Gebe-
nensis.

O Qui seueris moribus additos
Vincis Catones, & monitis Numas
Vincisq; præceptis Lycurgos,
Legibus anteuenis Solones,

E 1

Quem

is

Rapta-

Te pulsus aris, grandibus Ambitus
Tentavit ausis. Te placidis Honor
Impunè præteruectus alis,
Teste die, à fugiente vinci
Se fleuit olim, fleuit; & inclytæ,
Formosa pressit vela superbæ
Spretasq; TERGESTI, Tiaras,
Et radios, meritæque, Patris
Aptata fronti lumina, tristibus
Merfit tenebris, rursus & in sinum
Dolosa, fortunæ regessit
Munera, non rediturus hospes.
At maior omni vertice Claudius
Inter serenæ fulgura Gloriæ
Stat frontis inconcussus altæ,
Et similes moderatur inter
Secunda vultus: inq; suum trahit
Quiduis colorem; seu grauior caput
Procella tundat, rideaturé
Instabili Dea nota vultu.

Ioannes Codurius Al-
lobrox.

Q Vis fæta multo pectora Numine
Suiq; largam nesciat indolem,
Plenoq; Coduri redundantem
Ore Deum, placidosq; mores.
Te profitentem summa, cadentibus
In ora lymphis audijt arbiter

LOIOLA, Dardaniq; Ciues
 Vota nouis cumulare votis.
Tu concitatis passibus, arduam
 Sublimioris currere semitam
 Vitæque, morumque, & fidelis
 Obsequij, generosiores
 Gratante Româ ducere Spiritûs
 Primûm institisti. Te facilem Dei
 Et Vesper, & stellata lucis
 Atria, peruigilesque flammæ, &
 Viderê campi; Vidit amabilis
 Admurmurantûm gratia fontium,
 Et arua, quæ precantis inter
 Verba, pio maduêre fletu!
 Quocunquê magni fideris accola
 Hæres recessu, talis ames, procul
 Terris videri: qualis olim
 Elysiæ nouus hospes oræ
Lætum expeditis corpore Manibus
 Vectus corusco lucis in effedo,
 Tuâ laborantem salute,
 Diceris admonuisse Patrem.

Paschasius Bróëtus Pi-
 cardus.

AT te cruentos Martis acinaces,
 Et stricta centum bella furoribus
 Acri refringentem videbat
 Pectore, iam periturus orbis.

F

Ex quo

*Grauiſſimas
 Principi ini-
 micitas cui
 li bello ardē-
 tes Fauentia
 conciliat.*

Ex quo flagrantem Tyſiphone facem
Latè per urbem ſuſtulit, ilicet
Minæque, pallentesq; rixæ,
Et miſeri ſeges atra ferri
Non uſitata lege ferociæ
Pacem perofis horruit oppidis,
Cognata ciuiliſ ruina
Mænia ſollicitante bello.
Tunc penè tellus tota micantibus
Arſiſſet armis, cladeq; Ciuium,
Sæuis & inſtruxiſſet amplam
Funeribus grauis ira ſcenam;
Ni te vetantem bella Demofthenem
Siticuloſo pectore ducerent
Heroës; eloqui potentem
Conſilijq; animiq; largum.
Vidi, benigno vidi ego, Principes
Te conferentem fædere dexteras
Et concatenatos trahentem
Aure Duces Procerumq; turmas.
Tunc & fideli Pax bona parièti
Affixit enſes, tunc ſitis improba
Ferri reſedit, & ſequeſtri
Pace nouâ ſalière colles.
Nuſquam repertas crebra per oppida
Quæſiuit iras telaq; Mulciber,
Furorq; qui latè reductas
Excidijſ vacuârat vrbes.
Paſchaſianis nixa laboribus
In ſe labantis colla Fauentiæ,
Feſſuſq; reſpirauit orbis
Belligeri cecidère fluctus.

AD D. IGNATIVM
De primis eius nouem Sociis.

Hos tu decoro primus in agmine,
Deuota cæptis pectora grandibus,
Pugnam docebas: qualis olim
Æmonijs docuit sub antris
Nutritor ingens, Martis idoneum
Chiron Achyllem; qualis, adhuc rudem,
Flectebat Ascani iuuentam
Dardanijs pia cura patris.
Qualem futuris sæcula te retrò
Debent Kalendis, Militiæ Parens
Auctorq; sacræ! quo fidelis
Propositi studiosiores.
Creuere cætus, creuit amicior
Legum frequenti exercitus ordine, &
Sacri rudimentum Gradiui
Innocuis pia signa Castris
Heu! quanta bello robora! qui, malè
Lasciuientis castra proteruiæ
Cænasq; Campanosq; luxus,
Et veteris Capita atra Lernæ, ac
Nitentis in se monstra superbiæ
Veri obstinato pectore proruant
Heroës, & diuûm Latinis
Restituant sata læta campis.
Quos, mens honesti læta periculi
Prætextæ Achates, & Comites Togæ
Adstrinxit ardor, & decoro
Pulcher amor, sociauit æstu!

Vtrinque fortes, seu fremat horridi
 Procella fati, seu Caputum ferax
 Depræliaturos aperto
 Ingenij, vocet Hydra, campo.
 O digna sacro nomina sæculo!
 O iuncta virtus! ô bene mutuæ
 Mentes! & obligata summis
 Pectora Pontificum Tiaris,

Sæculum Societatis
 E Sacra Martyrum Societatis IESV
 purpurâ illustrius.



QVæ regna? vel quæ flumina san-
 gnara nostri? quod mare barba-
 Non decolorauere tabo (guinis
 Emeriti tua cura nati
 O multa terris & pelago super
 Perpeffa Mater. Collige fragmi-
 Errantis hinc illinc carinæ, (na
 Et sociæ latera ægra classis.
 Maior corusco creuit honor Tago,
 Gangique, vastisq; Oceani Insulis,
 Ex quo tuorum Ormuzianæ
 Manibus infremuere ripæ.
 Dicet marinæ torua licentiæ
 Imago dicet: regna quid vltima,
 Quantumq; de tuis recliues
 Americi meruere Natis,


Scit

Scit creber orbis : scit Mareotici
 Procella Ponti, scit mare Baltidos,
 Et vasta Nangazachiorum
 Insula, Brachmanijq; mores,
 Et Mexicanæ sæua ferociæ
 Portenta, & altis obruta rupibus
 Tellus, inaccessiq; tractus,
 Naufragij mala longa nostri.
 Hic lecta pubes, hic meriti Patres
 Manus tuorum fida Clientium,
 Formidolosis barbararum, im-
 mortua vorticibus cohortum, ac
 Mortis cruento naufraga in æquore
 Non vſitati Nominis attigit
 E clade portum. Pars, auarum
 Æquoreis data prædamonſtris
 Accusat vndis Nerea, lugubri
 Plangente fluctu. Pars lachrymabili
 Latè superſuſas natatu
 Plaudit aquas. Breue ius ſepulchri
 Totâq; de tellure merentibus
 Tellus negatur! Fallor? an ad necem,
 Damnata CRIMINALIS ora
 Contueor? Prior ille fuſo
 Pugnata vaſtas bella per Indias
 Cruore ſanxit. Quid memorem tuas
 Inuiſte CAMPIANE mortes,
 Et ſubiti violenta fati
 Ediſta narrem? Cladibus in tuis
 Hæſere mæſto flumina gurgite, ac
 Magno parentatura Patri
 Attonito ſtetit vnda fluctu!

An & frequenti, te medium agmine
Impendiosi nauita sanguinis
Datur tueri? quis celebrem A-
ZEBEDIAE sonitum ruinæ,
Et ora ferro trunca Sodalium
Nesciuit orbis? Non ego te meis
GARNETTE inornatum Camænis
Transierim; fera te Moluci,
Vultum cruentâ frugis adoreâ, ef-
finxisse doctum viderat Insula.,
Toruique spectauêre Ciues
Et reflui cupida ora vulgi!
At te, latrones mentis & ingeni,
Mersum infideli Balthis in æquore,
Frustraq; luctantem per vndas
Cæruleo tumulant profundo
LATERNA, quondam Sarmatiæ Urbibus
Amica lampas! Conscia te pio
Heu! corda quassantem tumultu
Audiimus! Rapit inde flammis
Addicta Ceruix, & malè torrido
Suffixa trunco brachia SPINOLÆ.
Huc illa decreuit propago!
In tenues Carolus fauillas!
Scit Indus axis: torua scit Anglia.,
Præcepſq; Tygris, qui calidas adhuc
Strages peremptorum, & natantùm
Oſſa Patrum, Cinereſq; voluit.
Quorum è recenti morte, reciproco
Viuit superſtes Mater anhelitu;
Soleſq; Natorum peractos
Continuat meliore vitâ.

Sæcu-

Sæculum Societatis I E S V
Diuis Confessoribus
Beatum.

OSTCA regnorū Columē tuorū,
Seu laboranti Patriæ minacem,
Ponē Chocimum vehis incitatis
Fædera bigis;
Fædera & gratę bona iura pacis,
Hæc vbi Thracū sinuantur Vrbes
Quà renascentis rubet illa magni
Regia solis.

Siue Diuinam per inane cæli
Deuehis Matrem, puerumq; iuxtà,
Siue flammatos per aperta cogis
Astra iugales.

Lechici nuper miseratus altum,
Prælij vires, capitis superbum,
Vincis Osmanum, refugasq; terres
Numine Lunas

Dum tibi sacros imitata soles
Pulchra natiuo coma flagrat astro,
Et peregrinis onerata lucent
Pallia gemmis.

Regnet, illimes properetq; Soles
Lechici felix moderator orbis.
Regnet, & seros numeret RENATA,
CÆCILIS annos.

MVTIVM cura, Sociosq; cætus,
Castra Romani studiosa nutûs;
Iamq; centeno reuoluta Matri,
Sæcula gyro

Sic tibi flammis hilares & auro
Fulgurent aræ: vigiletq; passim,
Supplicis ceræ pietas frequentes,
Diue, per Vrbes.

Sic ab Arctöis tibi Victor oris,
Arma de victis referat Tyrannis,
Et nouus reddat noua vota SIGIS-
MVNDVS ad aras.

Tuq; GONZAGÆ Cynosura gentis,
Diue, quem dulcis, nimum refusi
Numinis Pontus tenet, innocentis
Naufragum amoris!

Prome formosos LVDO VICE vultus
Nube reclinis famulâ, & beato
Profer euentu, redeuntis in se
Pondera sæcli,

Et tuo longos age posce lætus
Mutio soles. Pia dedicatis
Sic tibi frontem radijs, & auro,
Roma coronet.

Sæculum Societatis I E S V
Sacra Interpretum commentatio-
ne Eruditum.

A N & capacem nobilis ingenti
Scenam, seueris instruit artibus
Diuina Pallas? quam fideli
Cura animi comitata gressu
Diuesq; veri cultus, & ardua
Longi redemptus mercede negotij

Coro-

Coronat vsus. illi heriles
Deproperat vigil hora census,
Et eruditi plurimus otij
Pallorq; & omnis copia pectoris,
Cultiq; castigatus oris
Seruit honor, famulæq; noctes,
Et literati porticus atrij, &
Sacer Labori collis, & Atticæ
Nocturna sudantis laborant
Otia, Cecropiæq; Lunæ.
Hic & sacrorum turba Voluminum
Et ille felix Isacidûm labor
Latè per Europam celebri
Explicuit sua facta scenâ,
Sculptasq; leges, & pia Rituum
Momenta, læsiq; horrida Numinis
Edicta, flammatosq; currus,
Et veterum monitûs Deorum.
Heû! quæ latentûm contuor abdita
Arcana rerum? quos ego nominum
Hic cerno fastos? o vetustæ
Principia interitusq; Legis!
Non vrbiûm ignes, non Pharaoniæ
Cladem ruinæ, non ego prælia, &
Mersos renarrabo gigantes
Aut Solymi spatia ampla regni,
Maiore quondam quæ cecinit tubâ
CORNELIANÆ fama scientiæ,
Et ala, quæ dudum vetusto
Isacidûm spatiata cælo,
Nec otiosis functa volatibus,
Regumq; fasces, & Salomonios

H

Impu-

Impunè præteruecta nodos,
Luce palam meruit probari
Censore mundo. Quid memorem tuas
Laboriosi nauita fluminis
LORINE merces? quid retexam
BARRADIÆ monumenta pennæ?
Doctum tumentis vena PERERII, &
Sacer RIBERÆ cultus, & aurei
Labor MENOCHI, nunquam auaram
Doctiloquo bibet ore Lethen.
Quis literati flumina pectoris
Fulsaq; apertâ diuitias penu,
Et plena VELAZQUEZIANI
Nesciat ingenij fluentia?
Latè sonantes Eridani reor
Me audire fluctus, dum ruis auræ
Torrente, MALDONATE, linguæ,
Attalicis potior metallis.
Non ora PINNÆ: non placidas faces
BYLINGERANÆ, transferim indolis,
Pennamq; OLIVERI; CELADÆ
Conspicuos taceamuè Soles.
Superba non tot Creta monilibus
Non tot smaragdis fulgurat India,
Arguta MENDOZÆ venustas
Quot teretes ruit ore gemmas.
Diues PINEDÆ copia, & integer
SERARIANÆ fons opulentia
Et sacra TIRINI supellex
Grandibus euigilata curis
Obliuiosum nesciet Hesperum.
Temnent rapacem temporis orbitam
Per pla-

Per plana terrarum refusa
Vigineæ maria alta chartæ.
SERLOGIANI quis satis æquoris
Conchas rependat? Quis SALASARIUM
Mercetur aurum? Vel silenti
BÆZA tuas premat ore gemmas?
Pulcher merentem, te sequitur labor,
Et eleganti, te Dominum retrò
Hinc inde circumstant coronâ
Peruigiles tua cura libri,
Profint futuro qui bene sæculo,
Seris perennem, ritè nepotibus
Vitam daturi, cûi nec anni
Nec properet cariem vetustas.
Impendiosis empta laboribus
Nescit sepulchris cedere, lugubrem
Risura, SALMERON, cupressum, &
Funereas tua cura taxos.

CARDINALES S. R. E.
Virtute & literis illustres.

O Quis Latinæ Numina Curiae
Et Vaticanæ fidera purpuræ
Æternæ? attollatq; duplex
Purpurei columen Senatûs,
Orbis Magistros. Non ego te retrò
Arcebo sacri margine sæculi
Novisq; BELLARMINE fastis
Egregij pugilem Gradiui.

Te ZWINGLIANÆ castra ferociæ, &
 PELAGIANI iurgia prælij
 Litesq; CALVINI, & frementes
 NESTOREO procul ore rixæ, ac
 Intemperantes, immiserabilis
 Lutheri hiatus, & Batauûm tubæ
 Sensere fortem, sensit omnis
 Turba noui studiosa fastûs,
Et dissidentûm dædala Rituum
 Famosa Lernæ bellua, tristium
 Fæcunda monstrorum, neq; vno
 Per populos metuenda hiatu!
 Quantus potentis fulmine dexteræ
 Fumosq; & ignes, & caput, anguium
 Nexu coronatum reuincis
 Herculeis melior triumphis!
Et tu, decorâ è strage, recentibus
 Romam trophæis induis, & tibi
 Defensus, assentitur orbis
 Vrbisq; pios tibi debet ausus.
 Latè patentis Tu placitum iubar
 Europæ, & ingens Ausoniæ decus,
 Tu tela tu procudis iras
 Innocuus sine cæde Mauors
 Contra obstrepentis monstra proteruiæ,
 Et impotentes Hæreseos faces
 Lemnonq; quæ procudit enses
 In Latix pia castra Diuæ.
Heu! digne sacri pectine barbiti
 ROBERTE, cantu Vatis & Isaci,
 Et quam tetendisti, sonari
 Digne cheli, citharâq; Regis.

Est, &

Est, & tuarum non humilis mihi
Arundo laudum, strenuus ardui
 TOLETE veri, Te frequenti
 Doctiloquum stupuisse fertur
Stagira circo, non populariter
Mentis profundos ducere spiritus,
 Et luce purpuræ, latentes
 Ingenij recreare gazas.
Te regna circum, te trepidi penes
Incerta Recti pectora confremunt,
 Nec non recedentis profundum
 Turba animi, dubijq; casus,
Et anxiarum examina Mentium,
Et euagantis monstra licentiæ,
 Molesq; Gordijq; nexus
 Peruigili statione circum
Latus coronant. Te volitant penes
Ineuolutis crimina vultibus
 Vibræq; nolentes videri, ac
 Innumeræ simulachra culpæ.
Et ipse dudum sollicitus tuo
Ab ore pendet Mundus, & vndiq;
 Arcana pectorum recursant
 Agmina, multiplicesq; nodi.
Hæc tu sagacis viuus ingenij
Longi & peritus temporis vsibus
 Euoluis, explicasq; mundo
 Ambigui dubia arma voti
FRANCISCE. Nil est immedicabilis
Immune lethi. Tu, tumuli moras
 Et fata prætergressus, olim
 Parte tui meliore viues.

DOCTORIBVS SOCI- etatis IESV.

EST, & profundas, non humilis calor
Lustrare mentes. Currite Gratia
Per sacra pallentis Mineruæ
Culmina, præcipitesq; docti
Laudum obstinato scandite pectore
Climos honoris. quæ meritis graues
Annisq; succinctæq; curis
Bella cient animæ, & latenti
Vero imminentes, laurigeras procul
Errant per umbras: hæc ubi mobiles
Herœa labentis per arua
Eridani spatiantur amnes.
Heu! quæ docentum contuor agmina!
Qualecūq; cætus! pars tacitam libris
Demunt senectam, pars apertis
Ingenii spatiantur aruis.
Hic acer armis: hic iaculo potens
Ardet disertis feruere prælijs
Verbisq; contudisse verba, &
Viribus opposuisse vires.
Sic se vicissim Gloria mutuis
Hortatur ausis. discolor ingeni
Relucet in vultu venustas,
Et vario magis igne pulchra
Altum elocutæ mentis in arduos
Assurgit ictus. Non mihi vixeris
Indictus, heu! olim SVARI
Socraticæ melior Magister

Hæresq;

Hæresq; pennæ, Theologi potens
Lumen Senatûs. Numinis integer
Orator, interpretq; Diuûm
Et superæ vigil hospes oræ;
Effulgorantûm difficilem aspici
Ausus Deorum currere semitam,
Et illa mentium sagaci
Culmina vix adeunda visul
Liuor silenti obnubilat Hespero
Regum labores. Te facilem Dei
Pennæq; felicem, repostæ
Mentis opes: operumq; diues
Arundo, plenis clarat honoribus
Felix & alti Socrate grandior
MOLINA Veri. Tu Lycæi
Egregijs animosus ausis.
Pacata condis prælia, strenui
Amore Veri. iamq; tui frequens
Procella circumfultat arcem
Pectoris, intrepidumq; pugnæ,
Hinc inde, telorum aura volantium,
Roburq; solâ canitie potens
Laceffit. Heu! quantas vicissim
Fulmineis violentus armis
Non pænitendi proteris agminis
Ultor phalangas! Te duce latius
Diuina Maiestas, per omnes
Explicuit sua Rostra circos.
Namq; & Deorum fixa adamantinis
Decreta valuis, non humili prior
Audes remoliri calore, &
Magnanimo explicuisse nisu.

Quis literati pectora LESSII,
 Et sanctiorum pignora noctium,
 Sacræq; lucubrationis
 Otia? quis meritis reponat
 Astris labores? Te pater ingeni
 Felix nouorum prole voluminum
 Narrat; recudentis metalli
 Grandisonis regemitq; prælis.
 Te mens futuri prouida, te penes
 Armata sacris lura securibus,
 Iustumque, Legesque, & fidei
 Prisca Fides, amat ire passu.
 FONSECA magnis addite cætibus
 Lux ô docentûm prima cohortium.
 Ocelle pugnacis palæstræ
 Doctiloquæ Cynosura gentis.
 Tibi Stagiræ vidi ego grandibus,
 Arfisse pugnis atria, refluâq;
 Vndasse porticûs iuuentâ,
 Et calidis fremuisse rixis.
 VAZQUEZIANÆ fama scientiæ
 Pridem ducentis astra decempedis
 Intrauit, inscripsitq; rumor
 Sacra suo monumenta cælo.
 Obscura nigris nomina Principum
 Latent sepulchris. Vos Toga doctior,
 Et vita librorum perennis
 Æthereos locat inter ignes.



THEOLOGIS & PHILO- sophis è Societate IESV.

Virtus potenti nixa scientiæ
Inuicta Veri castra sibi facit,
Immane diffidentum adusq;
Excidium Furiarum & Orci.

Per vos refictis in pretium genis
Risere doctum sæcula, Palladis
Acu laborata, & beato

Ingenij emicuere censu.
Hinc & superbis Creta corallijs,
Opumq; felix Hesperiae finus
Fertur verecundis sepultas

Noctibus occuluisse gazas.
Iam mæsta Cypros, iam pretij minor,
Minorq; spreti verticis Oricus,

Tyrosque, Hydaspæq; conchæ,
Et Siculi, Veneti; census,
Et se minores Assyriæ procul
Fleuere merces. Nullus honor Tago,
Gangiue, Lydijque, & Hebro,
Et vitreis Babylonis vndis.

Per vos vetustis sculpta scientijs
Penè obsoletis nubila vultibus
Imago terfit, & recocto
Gratiùs irrubuit metallo.

Hinc & feracis cultus Iberiæ
Telluris imò delituit cauo,
Gemmæq; iam rudes amari
Ad pelagi rediere fundum;

Suâq; subter mole gementia
Informis auri pondera, protinus
Noctemque, natalesq; terras
Et veteres petiêre cunas.
Ineuoluto seu calor incidat
Pugnare Vero, nec dubio Deum.
Vrgere gressu, mox latentes
Non dubij explicuisse gazas
Vndante venâ diuitis ingeni
Ludunt profundo mentis in æquore
Impunè. Aquinati gaudent
Tot comites abijisse magno.
O docta multæ Palladis otia!
O excubantis turba Scientiæ!
O sacra lucubrationis
Pignora fiderei que fætus!
Musæa quidquid composuit manus
Immune lethi est. Cætera subruunt
Annique velocesque Lunæ
Et rapido sinuata flexu
Raptant auari flumina sæculi.
Stabit superbâ mole perennius
Quæsitæ Socratis per artes
Gloria, sollicitumq; Verum.

MATHEMATICIS

Societatis I E S V.

Quâ cæli vis parte tuos inscribo labores
O patriæ stellantis amor? quæ sæcula fastis
Digna tuis, famamq; pijs conatibus addam.
CLAVI? Catholicis tu grande Nepotibus æuum
Euoluis, certoq; dies metaris & horas
Ordine, fulmineasque domos præuectus & atram
Nimbo-

Nimborum patriam, nebulæ aurarumq; Viator,
Astrorum pelagiq; sciens. Tu mente futura
Præcipis, atque animum casus præmittis in omnes.

Iam sacros Vaticana tibi Respublica soles
Festaq; venturos latè digesta per annos
Cumq; suis Latium debet tibi tempora lustris
CHRISTOPHORE æternas Diûum intrature Kalendas.

Sculpta quis æthereis SHEINERI nomina valuis
Nesciat? & meritis contermina præmia stellis?
O qui nubiferas Alpes prægressus, Atlantis
Immanes calcas humeros, rimosaque lucis
Atria, stellarumq; domos, iuxtaque sagaci
Solis inexhaustos rimatus lumine fontes
Non vnâ damnas MACVLA, patrioque tumentis
Lumine, inaccessum peragras Hyperionis orbem.

Aurea quadriiugo vectat te Gloria curru,
Conatusque tuos, succinctaque pectora curis
Et nomen CYSATE tuum. Tibi Vesper, & Ortus,
Et Menses, Horæque leues, Annique, Diesque,
Et coniuratæ veniunt in fædera Noctes,
Et felix operum, gratâ vice, militat ordo,
Pars quorum nos magna sumus. Te MVTIVS ipse
Ipse probat, Cæloque tuum transferre laborat
Nomen ad opprobrium Solis, pulchramque diei
Invidiam. Te regna canunt, discretaque tellus
Æquore; sepositæ trans vasta silentia Thules
Trans Boreas audite plagas! Te deniq; clarat
Ingeniosa suo quæ voluitur orbita gyro
Cæptaque, & egregios Sociorum amplexa labores.
Cætera quid memorem sacris dignissima fastis
Nomina? sublimes animas! quas diua Mathesis
Regna super populosque rapit, cæloq; propinquas

Sistit, & arcanos oculis non inuidet ignes,
Heu! dulces noctis vigiles! vbi semita cæli
Dis tantum superisq; patet, quâ Signifer ingens
Aut vbi perpetuo constans redit aula rotatu.

HISTORICIS Societatis IESV.

QValis iocosæ lege ferociæ,
Siticulosæ rura Capharniæ
Iordanis, emotis inundat
Aggeribus, Solymosque latè
Exuberanti feruidus aluco,
Exire metas littoris impiger
Errat per agros, & Palæstinæ
Irriguo secatur amne campos:
Talis Latinæ flumine copiæ
Doctum euagantis prodigus ingeni
Verique tempestate diues
Dardanij Salianus oris
Veri profundo labitur agmine;
Et iam videri difficilis, procul
Exundat, & vetusta secum
Regna rapax, populosque voluit;
Ritusque, Legesque, & male desidis
Fæcunda culpæ tempora; & arcium
Strages, & emunita flammis
Oppida: diluuiemque cæli,
Æuique frænos, & nimios rapi
Morante dextrâ corripit impetûs,
Ortumque, natalesque mundi
Sedulus explicuisse cunas.

Legere

Legêris olim grandè sonantibus
Pars magna chartis. dum fuga vitrei
Iordanis, aut purùm cadentis
Dulcè fluent Acaronis vndæ.
Non ora FLORI, non ego CVRTIOS
Aut LIVIANÆ pondera paginæ
Desiderarim: dat Vetustos
VALERIOS TACITOSq; seclis
Diues Latinæ STRADA opulentix!
Ille, & deserto sæcula pectore
Fastosq; gestat, & repostas
Mentis opes, cumulosq; rerum,
Pulchrasq; belli nectit origines,
Irasq; & enses regnaq; mutuis
Collisa in armis, & iacentùm
Teste die populorum aceruos;
Et regionum fragmina fascium
Despectat altæ mentis ab artibus
Vnâq; deletas ruinâ
Sub pedibus speculatur Vrbes.
Nec insolentis more licentiæ
Exaggerato defluus agmine
Bacchatur, emouetq; ripam,
Sed facilis, mediussq; Veri,
Per plana rerum proruit Atticæ
Torrente linguæ. quam tibi in aggere
Sacrabo Mosellæ columnam, aut
Templa tuis FAMIANE fastis.
Tu cæpta LOIOLÆ, & Proauûm inclytos
Ausus, avaris nubibus inuides,
Et Matris ORLANDINE cunas,
Non humili pietatis æstu

L

Ab vsq;

Ab vsq; primâ stirpis origine
 Sanctum fluenti euoluis arundine;
 O multa de magno Parente,
 De Socio meritulq; cætu.
 Quis acta LAINI? quis memores Patrum
 Noffet labores? ni effugientibus
 Certamen indixisset ingens
 Temporibus, tua cura, felix
 SACHINE rerum. Quis calamis tubas
 Et mista doctis prælia vocibus
 HYGONIS? immaniq; cinctam
 Nesciat obsidione Bredam?
 Extra insolentis ludibrium Deæ, &
 Caliginosi nubila sæculi
 Viuetis! ô iurata vero
 Pectora, præcipitantis æui.

ORATORIBVS Socie- tatis IESV.

Fallor? an Aufonij tetricâ de rupe sepulchri
 Prodiit immeritas pertæsus Tullius umbras?
 Viuis Romulei Consul facunde Senatûs
 Viuis, & in seris illustre clientibus æuum,
 Continuas Latij Nestor. Prô! quanta sepulto
 Ad tumulos tibi fama venit! quantusq; disertos
 Post cineres te quærit honos! Tu lucis at istos
 Debes Marce nouis IESV Oratoribus annos.
 Quos tibi PERPINIVS soles? quæ sæcula condit
 SANCTIVS? & vitreo tibi qui torrentior amni
 Ludit Dardanijs, rerum per plana, Smaragdis

VIR-

VIRGINIOS post fata vehens GODEFRIDVS honores,
FERRARIOS ne temne sales: ne plena NIGRONI
Flumina, Marce tuum studiosa effingere nomen.

Non ego centenâ quamuis mihi pectora laxet
Voce labor, tot Rostra simul, fontesq; refusi
Persequar eloquij, aut dignis conatibus æquem.

Dicam, Roma licet, toruus licet audiat orbis:
Post Latij Numen, supremaq; funera TVLLI,
Dignius haud aliâs meminit se SVADA locutam.

POETIS Societatis IESV.

ECce recens Vatum, innocuis exercitus armis
Permessi de valle redit. Datur ora tueri,
Et consanguineæ frontis lustrare serenum.
Hinc mihi se placidis infundit BENCIVS vlnis,
Inde redux Helicone ruit GALLVTIVS; inde
Pegaseo temone celer DONATVS: at illinc
Candida GVINISIÆ se fert opulentia Musæ,
PETRVCIQ; lepos, Crispo & comitata STEPHONI
Calliope, cultiq; potens HABBEQVIVS oris,
Collaq; Apollineo multum defuncta labore
GVILBERTI, venâq; tumens GAZÆVS opimâ.
Non eadem quemcunq; iuuant. Illum integer oris
Vrit amor, castiq; sales, argutaq; rerum
Copia, sublimisue Maro, Lyricæue decorus
Maiestatis apex. Hunc præceps oris, aperto
Ingenij torrente cadens Lucanus. at illum
Posthuma Calliope Senecæ rapit vsq; Tragædum.
Hunc castigatæ numerosa licentia linguæ
Et fandi succinctus honos: hunc candor amæni

Proditor ingenij clarat; plenoq; redundans
Ore Deus, mentisq; faces. Hic lenè cadentes
Promptior ad numeros. hunc bella sonantis & iras
Papinij iuuat ore loqui, iuuat ire per hostes
Nudaq; pro caris opponere pectora Thebis.
Scilicet in magnis etiam plerumque relucet
Discolor ingenijs, non vnâ lege venustas,

Hinc & Apollineos maior reuerentia colles
Circumit, & docti glomerantur dulcius amnes,
Et Cyntho sacer horror inest: meliusq; renident
Parnassi capita alta iugi: dilecta q; Musis
Otia, Laurigeræq; domus; ex quo aureus oris
Reginas **VRBANVS** Apes ad carmina misit.

Quis te Sarmaticos vrgentem ad sidera mores
SARBI EVI fileat? Cælo quem vexit aperto
Plausus ouans, curruq; Helicon raptavit eburno.
Pars animæ sublata meæ! cûi addere atroces
De nostris vtinam voluissent stamina Parcæ. (chro,
Triste quidem spoliū tacito premit vrna sepul-
At **LYRICVS** perdurat Honos, Vaticanaq; viuunt
Laurea, vocalesq; lyræ, defunctaq; cantu
Barbita, concordēsq; suo cum carmine mores.
Dum Latij Patres: dum Martia Roma, iocosus
Dum Tyberis colludet aquis. dum Lechia stabit,
Viuunt Hyperboreum tibi posthuma fama per orbē.
Te serpent violæ circum. te pampinus umbrâ,
Teq; coronabunt Hederæ, Lauriq; iacentem.
Felix qui **VRBANO** potuit censore probari,
Et fremitus meruit Româ plaudente secundos.



VRBANO VIII. P.O.M.

SOCIETAS IESV

Primo Sæculari suo anno deuota.



N te reductis posthuma corni-
Loiolianæ sæcula definunt (bus
Felicitationis! ô fauentum
Cætibus hospitioq; Diuum
VRBANE quondã debite. Maxime
Primum euoluti nõ sine Numine

Finitor æui. Tu morante
Lustra manu, celeresq; mundi
Ingens futuri temporis arbiter
Lapsûs coërces, & nimios vehi
Lunæ recedentis labores
Imperioque humerisq; sistis.
Per te; marito conscia Numini,
Solem repexis crinibus implicat,
Frontemq; præsignesq; vultus,
Et capitis moderatur aurum, &
Sacro comantum pectine fiderum
Fingit capillum, prodiga munerum
Veriq; maiestate diues
Romuleo Dea nota cinctu.
Tibi vetustis addita Ritibus
Nunquam paterni stemmatis immemor
Incedit, atq; Hetrusca præter
Sidereo volat arua curru,
Viuisq; Petri lucet amoribus;
Tenax auorum, sedula Cælitum,

M

Non

Non parca Gratiarum, & altæ
 Sacra fames pretiumq; Romæ,
 Felicitatis Mater, & vnica
 Diûum voluptas, Numinis hospita,
 Arcana Consilii Magistra,
 Et Latîæ pietatis Hæres;
 Regina terris, & pelago, & Styge,
 Astrisque, primæ frontis amænior
 Regumque maiestate maior
 Non dubium graditur per orbem,
 Quanquam & corusci fidere verticis
 Nec non auitæ stirpis honoribus
 Nusquam peregrinæ per orbem,
 Lucis eget, patriæ superba
 Honore gazæ, non tamen igneam
 IGNATIANI pectoris indolem,
 Flammisque temnit, è recenti
 Usque adeo magis igne pulchra!
 At, tu capaci Numinis in tui
 Sinu reclines, magne Pater foue,
 Per vasta terrarum, Clientes,
 O cupidæ fitis vna Romæ
 VRBANE. Nos & nutibus additi, ac
 Flecti volentes, nec dubij tuis
 Parere votis, per cruentum,
 Cladis iter, sequimur vocantem
 Quacunque ducis: seu gelidas niues
 Inhospitalis visere Tauricæ,
 Bessosque, Chinæque, & natantes
 Ionio Arabioq; latè
 Adire gentes; hâc vbi roscidos
 Titan retextit lucis anhelitus,

Adire

Quà Vesper, atqué Aurora comptum
 Puniceo lauat amne crinem.
 Te, teste, regnis, pulchra Parentium
 Exempla Nati extendimus, ardua
 Curare fortes, hinc Tyranni,
 Inde trucis fremat ira Ponti
 Nudum & timori cedere nescium
 Pectus, per enses, tela per, & faces,
 Feremus, heu! ausi, Latinæ
 Matris, humo pelagoq; magnum,
 Miscere nomen. Sic properantia
 VRBANE norint sæcula te retro,
 Sic Laurus annosum, Parenti
 Pro meritis, tibi signet æuum.

FERDINANDO II.

Romanorum Imperatori
 AVGVSTISSIMO.

VT desudat Atlas! & iam vix ferre decemplex
 Illustres valet aula Animas! an & arctior ipse
 Grandibus Austriadûm meritis non sufficit æther?
 Quis procul ille Heros meritorû in luce patenti
 Austriacos micat inter auos? quem candida circû
 Vndiq; tergemino glomerantur Castra tumultu,
 Multus & Empyreo comitatus oberrat in auro?
 Ipse quidem longo iacet exarmatus ab æuo,
 Cæsareæ tamen ore notæ! viuusquæ per ora
 Sanguis, & extincto spirat reuerentia vultu.
 Viuis adhuc Latij decus insuperabile Sceptri
 Viuis! & in magnis tibi grande Nepotibus æuum
 Transcribis, longûm perdurature, nec vnquam
 Degenerem passure situm! Quis tanta relatu
 Æquet? & à lachrymis in verba cadentibus, vnquã

Temperet! Heu quantum te nuper in agmine vidi
Hortantemq; Duces, Superisq; in castra vocatis,
Tela per, & medias abeuntem vidimus hastas
Qualis & ecce premis rutili Capitolia regni
Augustos prægressus auos! non indigus æui,
Non regni, non hostis egens, non parcus auorum,
Non virtutis inops; nèu mutus honore Sepulchri
Quæfisti Latiae nomen memorabile Matri,
Bellorum Pacisq; potens! Sic omnia Laudes
FERDINANDE tuas, dilecta q; pectora Marti
Congeminant lachrymis, & per tentoria latè,
Plurima, non taciti discurret imago doloris.

Te Senio meritisq; sacer, suspirat ademptum,
VRBANVS! Cui orbis onus, cui adgemit ingens
Curia, Purpureiq; Patres, flet Dardana Pubes,
Et Vaticana pio regemunt Delubra tumultu.
Te Tyberis Rhenusq; gemit, mæstumq; locutis
Danubius lachrymatur aquis, præcepq; Tibiscus,
Albis &, & Rhodanus plorant, & Scaldis, & Ister
Triste quæ finitimis queritur Neptunus in vndis.

At nunc Te quod fidus habet? poterisne reuerti
Cætibus à superis, patrioque excurrere cælo
RENATÆ, Lechicas longum plorate per Vrbes.

Vt pro te decertat Honos! inscriptaque cælo
Gloria! & emoti pugnant stridoribus axes
Dum temet sibi quisque rapit; Tu iurgia, vultu
Differ, & immensi partem tibi delige cæli
Vnde tuam videas famulâ de nube Viennam.
O meritis opulente tuis, ô digne Deorum
Hospitio! Superumq; sacris accedere mensis.

Poten-

Potentissimo Poloniae & Sueciae.

R E G I

SIGISMUNDO III.

*Primo Collegij Cracoviensis Societatis IESV
Fundatori.*



Hæc illa virtus, non populariter
Petita sacro carminis ambitu
Sese Polonorum vetabat
Pectoribus cohibere vatū!
Per exterarum littora gentium
Latè refundi debuit æquoris
Hæc illa tempestas, & illa
Belligeræ maria alta famæ!
Creuère dudum Lechiaci, tuis
Creuère fasti laudibus, arbitra
Scit Roma terrarum, scit ingens
Carpathium, populiq; & oræ
Vasto natantes Oceano, tuos
Princeps Triumphos. sic Iagelonidū,
Virtus, & externos redundat
In calamos, & in ora Vatum.
Non ille grandem præcipitantibus
Felicitem Patriæ & Imperi
Distinxit annis, fortiores
Nempe notas ratus esse Regni
Quas ipsa virtus grandè Corinthio
Spirans in auro, bellipotentibus
Insculpsit æternū trophæis
Lechiacæ docora ampla famæ.
Quæ nec citati fluminis in modum
Iniuriosus deleat impetus

Torrentis æui, nec vetustæ
Succutiat caries ruinæ.
Nescit sepulchris tristibus immori
Quæfita bello gloria. stat super
Labantis, inconcussa, mundi
Fragmina, ludibriumq; fortis,
Vidi calentes, vidi ego Dacico
Latè phalangas feruere prælio,
Cum sæua tempestas Gradiui
Moldauicis fluitaret aruis;
Heu! adiacentis rura Podoliæ
Haustura latè! nil agelonia,
E nube prospexisset Iris
Et malè iam pelago latentem
Seruasset orbem. Tunc Mareoticæ
Cessere nubes, tunc pelagi tumor
Motique subsedere fluctus,
Et Scythicis equitatus Euris.
Frustra insolentes Luna Othomannidum,
Moliris æstus æquoris, in tui
Iam iam relapsuros furoris
Perniciem, opprobriumq; gentis.
Altum indolenti quis tibi tunc furor
Osmanne? mæsti nube supercili,
Cum versa cedentum videres
Signa retrò, patriasq; fleres
Errare Lunas; non sine ludicro
Depræliantis murmure Lechiæ
Gratoq; siderum tumultu
Et fremitu superum secundo.
Præteruolantum sæcula temporum
Latè sonanti nominis effedo

Sismun-

SISMUNDE vinctes, dum Polono in-
 scripta leges tua gesta cælo,
 Sculptasq; laudes, & memores vehet
 Axis triumphos. Ducta fauentibus
 Delubra dum Diuis, & aræ
 Petre tuos recinent honores.
 Hæc quæ recumbit Regificis super
 Moles columnis, & procul æmulas
 Egressa nubes, dedicatum
 Stellifero caput æquat orbi.

Inuictissimo Poloniae & Sueciae
 R E G I
 VLADISLAVO IV.



XCede campo Victor, & arduas
 Remitte curas, functa laboribus
 Dum miles affigit paterno
 Scuta tolo, reduciq; gaudet
 Vagina ferro: dum litui fragor
 Tristiq; cessant Classica murmure;
 Dum strage decolor luuentus
 Vistuleo lauat amne dextras,
 Et ille patrii turbine praelij
 Exercitatus clade rebellium,
 Thracum fatigatus ruinis
 Post Lechici mala longa belli
 Respirat ensis. Belligerâ, sine
 Excedat hostis faucibus orbitâ,
 Dextramquæ victoris modesti,
 Secum animo reputet fideli.

Parumné sæuo Martis in agmine
Laudum cruentas inter adorea
Hæfisse? formosifq; pulchram
Vulneribus peperisse pacem?
Quantum est propinquæ in limine Daciæ
Fractos Poloni militis impetu
Cessisse Thracas, & calenti
Bosphoron erubuisse tabo?
Periura sensit Moschua, dexteræ
Numen potentis, fracta rebellium
Sensere Zaporouiorum
Colla tuæ graue fulmen hastæ.
Cum per feracis culta Podoliæ
Ciuis iræ gurges inhorruit,
Vicina necquidquam frementi
Oppida terrificante bello.
Tibi quieto regna silentio
Strauere sese: Maxime Principum,
Abstiste paululum timeri,
Da spatium, tenuemq; fractis
Moram Tyrannis. dum posito malè
Vultu, suorum funera computant;
Dolentq; miranturque de se
Sarmaticis licuisse tantum
Impunè fatis! Iam tibi sternitur
Supplex trecentis Vistula Classibus
Iam grande vectigal, sonorâ
Deproperant tibi mole regna.
Selæta pulchro fædere prouocant
Laurumq; Laurus trudit, & inclytis
Trophæa nascuntur trophæis,
Eq; hederis hederæ creantur.

Te Rege quondam, Principe te, retro,
 Post multa sæui fulmina prælij,
 Hinc inde bellantûm, comantes
 Per galeas clypeosquæ passim
 Victore surgent vertice Laureæ,
 Seris daturæ Lechiadis, nouam,
 Per regna, LIBERTATIS vmbram
 Et placidæ bona iura pacis.
 Dicêris olim, REX, melioribus
 Dicêris ausis, Religiosius
 Clausisse Sæu, sanctiores
 Pro meritis aditure Fastos.
 Auita differ sidera lentior.
 Securus æui quod tibi, patriâ
 Virtute cælatum, perenni
 Continuas meritorum in auro.
 Dum Roma stabit, dum Iagelonium,
 Astris legêtur Nomen, & inclyti
 Viuent in argento Triumphi
 Sculpta tuæ monumenta pugnæ.
 Et ipsa fortes Lechia quàm diu
 Reges habebit: dum memores Tui
 Olim renarrabunt Poloni
 Magnanimo tua Facta NATO.

RENATÆ FELICITATI
 Votium Societatis IESV
 C A R M E N.

Terrarum cæliq; potens Regina, Polonas
 Cui amor est seruare Aquilas: si dignior vsquã
 Connubij te cura decet; si fœderis vllus

Tangit honos, Regumq; iuuant Consortia terras.
Dum tibi dilectis famulantur in ignibus aræ
Festaq; Votiuus rident altaria flammis
Huc celeres age flecte rotas, huc præpete vecta.
Nube super molire gradum, quâ Lechica pubes
Multus & acclini Litauus te fronte salutat.
Vnanimes ne temne faces, opulentaq; Ceris
Atria, sollicitamq; suo super orbe RENATAM
Regifici placido vultûs dignare sereno
Pacis amica Themis. dum iam Lucina futuri
Prouida, Sarmatiæ Victuro consulit orbi.

At tu: quam medijs subitâ caligine belli
Affulsiſſe ſuo gratatur Lechia regno,
Fac, ſerò, Procerum iuſtis dilata querelis
Aſtra petas; Tecumq; prius decora iſta ſenescant,
Hic ſceptri ſublimis apex! inſigne comarum hoc,
Et vultus, ſolo poteras quo regna mereri.

Aſtrorum terræq; potens, lateq; reſuſi
Arbiter Oceani, cupido ſua gaudia mundo
Æternet! longumq; tuis det viuere poſſe
Moribus, obſtriſtos patrio tibi iure Polonos.
Sic tibi inabruptæ Concordia lege catenæ
Felices tereti digitos accendat in auro.

Sic tibi Threyciâ Lechus, de cæde, rubentes
Viſtuleo lauet amne manus, dereptaquæ caris
Aſſigat vexilla tholis, narretq; maritæ
Ac pueris, noua bella, redux poſt prælia coniunx.
Et victor poſitâ miles reſpiret in haſtâ.

Fors aderit Lux illa Tibi, quâ celiſior oris
Ibis Hyberboreas late Regina per Vrbes
Sufpenſuſq; tuo pendebit ab vbere
Mundus.

Serenissimo Poloniae & Sueciae PRINCIPIS
SIGISMUNDO CASIMIRO,
Anno Sæculari Societatis IE SV
NATO.

Quid vſitatae frontis amænior
Venuſta florum regna perambulas,
Mollesquẽ Narcifſos, reclines
Et violas, hederaſquẽ paſſim, ac
Primo educatos veris anhelitu
Flores, herili pollice demetis
Regina Fauſtitaſ; quid vrgeſ
Damna noui pretioſa Aprilis?
Inſcripta Regum nomine, Lechicis
Naſcuntur oris Lilia; conſciam
Huc fige mentem, carpe flores
Punicei decora vda campi.
En præſto ſacri eſt orbita Sæculi,
Vertentis in ſe circulus aureæ
Felicitatiſ, neçte ſertum,
Neçte nouo diadema Regi.
Dum grandiori tempora Principiſ
Durant Coronæ: dum latus aſpero
Mauortiſ aptatur labori
Et ſolidiſ bene durat armiſ.
Belli ſeueriſ totuſ vt annuit
Stringi lacertiſ! vt procul obuioſ
Ferri nitoſ, irretorto
Impauiduſ ſubit ore Tiro!
Vt bellicoſæ neçtare Gloriæ,
Et militariſ fulgure balthei,
Gratoquẽ claſſici tumultu
Et ſtrepitu clypeorum acuto,

Auara laudum pascitur indoles!
Nescit teneri lege puertiae
Festina Iagellonidarum,
Gloria, degeneresque metas
Prægressa Virtus! Vritur inclytis
Aui trophæis dignus Auo Nepos;
Iam nunc & imbellis laborat
Magnanimo comes ire Patri!
Quà voce pugnat, quà lachrymis, moras
Lactentis æui Paruulus egredi,
Et lenta Naturæ morantis
Impiger exsuperare septa;
Suisque soles laudibus inuidos,
Vehiq; tardum damnat Oriona,
Implere iam dextrâ pacem,
Vsq; adeò sibi visus hastam!
Ah siste mentem: siste rudes adhuc
Prægestientis Matris anhelitus,
Regnis adoratum trecentis
Numen, Hyperboreique latè
Sidus trionis, Sarmatici recens
Aurora cæli. Ne properet suos
Virtute transcendisse menses
Nil animo puerile magno
Confessus ardor! ne genialibus
Resiste cunis; quò tibi tutius
Regni superuentura moles
Fortibus immineat lacertis.
Captiua iam tunc Dyndima, vindice
Pullabis hastâ, vlturus Auum manu,
Ferroq; Patrem; tunc ouanti
Ibis equo, pauidasque Thracum

Præ

Præ te phalangas fulmineis ages
 Bellator armis. Tu memores Chabri
 SISMVNDE prouehes Columnas
 Et veteres geminabis olim
 Victor triumphos. Sic tibi Patria.
 Sic Martiarum pectora mentium
 Diuiqué coniurant fauentes
 Et cupidus vouet ore Lechus.
 Prò! quantus iræ! quantus in arduum,
 Assurget ensem! cûi modò Bosphorus,
 Hæmusqué, Bizantiq; turres
 Barbaricos posuère fastus.
 Tuum, Polonâ creber in ægide
 SISMVNDE nomen, miles Aprilibus
 Cædit Kalendis, cædit ingens
 Austria, Dardanijq; Ciues.
 Quin & futuri prouidus, Vtiles
 Palmas triumphis, Plausus ouans, tuis,
 Laurosqué, victricesqué condit
 Herculeo tibi more frondes.
 Præfaga portis Bactra timent suis
 Capiq; nollent. Sanguine tu, suo
 Docebis Auroram rubere, &
 Odryfias trepidare Lunas.
 Hæc vera dicar tunc ego præscius
 Narrasse vates; cûm tibi supplici
 Ceruice, procumbent Tyranni
 Et dominas tibi lambet Vrsa.
 (Iam iam reuicti parcior ætheris)
 Impunè plantas. cûm Mareoticos
 Titanas amolitus, Arctoo
 Excidium properabis orbi.

AD STANISLAVM HOSIVM

S. R. E. CARDINALEM.

Primum Societatis IESV in Polonia Fundatorem.

Asfurge Thuscis altior Alpibus
Maior trecentis Musa decempedis
Assurge, sublimis docentum
Concilio redit è Deorum.
Possessus alto pectora Numine
Sacerqué Diui verticis Hosivs,
Quem fama, clamatufq; rumor
Perq; Italas Lechicasqué latè
Vectum sonoro Nominis effedo
Raptavit Vrbes, & niueis honor
Vexit per Europam quadrigis
Non humilem decorum Parentem.
Ausum secundo non sine Numine
Virtutis ingens condere sæculum,
Et regna quæ Scientiarum
Aurifero micuère censu.
Testis tuorum, nobilis ausuum.
Brans bergiani porticus atrij,
Graijsq; desacrata Musis
Otia, Apollineiqué colles,
Et ducta castis oppida Gratijs,
Et hospitales Mercurio lares,
Et templa Stanislæ, ritè
Dardanijs famulata sacris.
Quid, quod nouorum castra Quiritium,
LOIOLIANI exercitus agminis

VM
Te Patre, te ductore primùm
Sarmaticos adiit penates;
Et se Polonis, teste sub HOSIO
Infudit agris pulchra cohortium,
Impunè tempestas, & ille
Sidereis, equitatus alis.
Qui regna Lechi qui Boreæ domum
Cæli ferenis roribus imbuant
Tractusque longinquos plagarum &
Barbaricæ fera regna gentis,
Nec non vetusti Sceptra Palæmonis
Morum benignis artibus asserant,
Et falsa rescindant Deorum
Numina, Sacrilegosque cultus;
Terrasque grato fædere conserant
Astris, & orbis vix reparabilem
Sistant ruinam, sæua sistant
Funera, præcipitesque lapsus.
Ofrons amæni læta supercili!
O pectus alti mole negotij,
Curisq; succinctum trecentis!
O humeri! studijsque Veri
Defuncta Ceruix! & bene prosperis
Attrita multum colla laboribus!
O viua, formosum virentis
Canities animi! & Deorum
Promisse fato. Nominis ô Tui
Vmbra potitos, Sarmatiæ foue
Per regna LOIOLÆ nepotes
Castra Sacri studiosa VERI.

Ad Societatem I E S V

Primam sui Ætatem Sæculi feliciter præter-
uectam.

HUc subiugatis vecta Trionibus
O Sanctioris Filia Sæculi
Molire currus; dedicati
Si quæ sedet tibi cura cætûs.
Hâc fige mentem: quæ tibi lutea
Sublucet Eos, quæ radiantium
Titan quadrigarum, rubenti
Prouehit Oceano labores.
Ossamq; & Alpes, Acroceraunios
Et scande colles, & iuga Carpathi,
Altumq; naturæ tumentis
Præcipites age visc fastus.
Pulchro Nepotum sanguine confitas
Hinc inde gentes, atq; oculis tuos
Metire, sublimis, labores,
Nobilium decorâ ampla natûm.
Quæ pontus, aut quæ portubus inuia,
Iacent obortis æquora rupibus
Audita Mater! Te rigentis
Basilæ didicêre fines
Et fæta monstrorum Africa, & effera
Inexpiatæ regna Britannæ
Toruiqué Iaponum Leones
Et domiti fera colla Chinæ,
Et Bonzianæ iussa ferociæ,
Strictæqué, mortes, & timor ensium
Terrisq; sorbendusq; Ponto,
Sole rubras, didicit, per oras

Late

Latè sonorum iam tibi fert nouus
Vectigal orbis: quà rigido subest
Gens dura cælo, quâ potentes
Americæ sinuantur vrbes.
Tibi sereni prodigus aluci
Iam non inani nomine gemmifer
Illustre fert Ganges tributum
Et rutilo pretiosus amni
Se sternit Hebrus. Te mare Balticum
Vtcunq; nostri sanguinis ebrium
Non erubescendis coronat
Mercibus, & memorem profundo
Tibi columnam ponit in æquore
Europa: seris inq; nepotibus
Te mundus agnoscit potentem
Eloquij, decorumq; Matrem.
Tibi Poloni marginis accola
Ductor minorum Vistula fontium
Inscribit electo Coronam,
Et RADIOS cumulo iocantis
Effingit vndæ, non sine consono
Admurmurantùm plausibus amnium, &
Grato carinarum tumultu,
Et fremitu Zephyrorum acuto.
Latè verendi, te nota Stemmatidis
Et grande clarat nomen, amabile
Te frontis argentum, & Smaragdis
Et rutilo coma diues auro,
Sacrisq; Maiorum addita nutibus
Cæcùm Obsequentis Purpura pectoris
Commendat, agnosci volentem
Et RADII capitis IESV

Q

Adco-

Adcomit! ôLux! ô genialium
Ocelle Diuûm! Certa hominum falus,
Et cura Regnorum perennis,
Et dubij Cynosura mundi!
Sic te marito Numine proditam,
Primos trahentem lucis anhelitus
Excepit, ac Virtuti alendam
Tradidit officiosus æther!
Iam tunc anhelos fidera murmure,
Mistisq; Numen fletibus alloqui,
Sacrosq; vagitus ab ipso
Crederis edidicisse IESV.
Hinc illa morum temperies, suo
Cognota IESV. parq; puertiae
Prætexta, communisq; virtus,
Par studium, fimilesq; curæ.
Hinc illa vultu fulgurat indoles,
Et eruditis pingitur in genis
Virtus. ET IN SACRIS RELVCET
DISCOLOR OBSEQUIIS VENUSTAS.
Millena faustas quot tibi sæcula
Nectent corollas? si fuga temporis
Vniûs, immortale sacro
Deproperat tibi flore sertum!



IGNATIVS LOIOLA

Primus GENERALIS Societatis IESV.

S Emperne mentis exul, euntibus
S Per ora lymphis, excubias poli
Dulces pererrabisq; flammæ
Ætherei speculator orbis?
Frenos citatis attrahe lachrymis,
Et fixa cælo lumina, deuoca
Tantisper in terras, tuarum
Grande decus columenq; rerum
Tuis volentum viuere moribus
Ne castra Ductor temne cohortium,
Inuicte fortunatoris
Militiæ, decorumq; præses
LOIOLA, dudum sollicitis Patrum
Obsesse votis. Sic tibi barbarum
Latè subacturos Trionem
Non humiles tua stirps nepotes
Cultuque, & altis educet ausibus,
Qui regna ficcis torrida solibus,
Terrasq; nesciamq; sacræ
Falcis humum, refidesq; glebas
Morum beatis frugibus induant.
Audimur. & iam questibus annuit
LOIOLA, iuratosq; cætus
Legibus imperioque frænat.
Iamq; impudicis merlus amoribus,
Et heu! proteruo naufragus æquore
Prospexit orbis: flebilemq;
Ad miseræ sonitum ruinæ
Expergefactus, fragmina lugubris
Fleuit carinæ. tum trepidâ Patrem,

Ter voce, LOIOLAM, poposcit,
Ambiguis ita questus vndis:
Tu Typhis alter, tu malè naufragi
Seruator orbis, cladibus æquoris
Enauigantem me, per ipsas
Eripies bone Typhi mortes.

IACOBVS LAINIVS
Secundus GENERALIS Societatis IESV.

NAm quæ obligati pondera digniùs
Vrgere cætus possit, & arduis
Tutò recumbentem lacertis
Dextera sustinuisse molem:
LOIOLIANIS quàm benè moribus
Enata mentis sub penetralibus
Virtus; & innutrita sacris
Pectora Concilij triumphis
Ter visus vltrò te Latijs Honor
Tentasse vittis, ora ter irritus
Flexisse retrò; ter Tiaræ, &
Grande Pedum, triplicesq; sacræ
Nexus coronæ, non sine fulgido
Conchyliati murice pallij
Gratoq; verbenarum honore,
Difficili imposuisse fronti.
Sed quid Tiaræ? quid Latij Pedum
Sacrisq; iunctæ nexibus Infulæ,
Fascesq; mitræq; heu! dolosæ
Munera blanditiæq; fortis
Contra eminentis pectora LAINII
Possent inermes? tunc sacer ambitus

Et

Et turba fortunæ, & repulso
Dona retrò retulère gressus.

FRANCISCVS BORGias
Tertius GENERALIS Societatis IESV.

HÆc illa Diuis non populariter
Dilecta ceruix, non populariter
Dilecta LOIOLÆ, petitem
Cæsaribus, populisq; numen.
Hunc mæsta spretis Gaudia dicitur
Plorasse mitris, non humiles pede
Pressisse fastus, atq; auorum
Stemmata, patriciosq; cinctus,
Nomenq; & altæ fulgura gloriæ,
Non vsitata nube modestiæ
Texisse, & illustres profundis
Noctibus occuluisse ceras.
Ne vota Patrum, temne precantium,
Flecti & volentium colla sodalium
Ne temne BORGIA, eminenti
Par oneri: sociamq; voto
Dignare molem. Sic tibi consonus
Iurauit æther, sic adamantino
FRANCISCÆ subscripsere libro
Fata tibi, facilesq; diui.
Iam KOSTKA supplex: iam tibi CLAVDIVS
Figunt dicatis oscula postibus,
Nouisq; certatim laborant
Nomina conseruisse cæptis.
Ne sperne, magni, Borgia, transfugam
Ne sperne amoris, Sarmatico iubar

R

Polo

Polo recisum. Claudianos
Cura animos, nouus ecce castris
Immigrat Hector, qui potioribus
Ausis, Achillis differat impetus
Fastumq;, collatis in vnam,
Viribus ingenioq; pugnam.

EVERARDVS MERCVRIVS
Quartus G E N E R A L I S Societatis I E S V.

O Cui secundis iecit honoribus
Benè ominatam Præfidis aleam,
Sublimis EVERARDE, morum
Alta quies, facilisq; rerum
Vfus potentum, quæq; per ardua
Se sponte mittat consilij manus.
Te læta vestigat merentem
Gloria, fidereiq; fasces.
Te creber ordo: te cupidi Patres,
Et sanctiorum castra Quiritium,
Ducem salutaûere votis,
Iam capitis tibi se minores
Gratum elocutis gaudia vultibus
Probant clientes. Inuida sed bonis
Quid fata non aufint! auaræ
Gaudia diripuere Parcæ,
Inuidit æther! Occidis occidis
Frustra ominantum, tristè sodalium
Præreptus EVERARDE votis,
Atq; animâ sepelis in vnâ
Tot spes nepotum! Sic tibi lugubres
Heu! in cupressi laurus abit comas!

Auctu-

Auctore BORGIO, capaci
Pectore, MERCVRIANE fastos.

CLAVDIVS AQUAVIVA
Quintus GENERALIS Societatis I E S V.

Vnde illa, rerum fluctibus altior,
Suiq; pollens eminet indoles?
Quam candor, & nitente mentis
Remigio celer ire virtus
Morum beato non pueriliter
Lactauit imbri. Cui niuei sales
Et frontis inconcussa magnæ
Temperies, animusque casus
Pugnax in omnes, nec dubium sacri
Oris serenum, grataq; comitas,
Vitæque præsignis venustas
Nobile circumiêre pectus.
Visusne peccant? intuo aurei
An ora CLAVDI? quem trepidantium
Perstare sub rerum tumultu
Vis animi, sapiensque mentis
Magistra, miris edocuit modis,
Firmauit vsus, pectoris ardua
Ab arce prospectare natum
Ambiguæ varia ora Diuæ.
Hic ille Præses: quem generosiùs,
Alti potentem Consilij sacer
Possedit ardor; & procellæ
Intrepidum, intrepidumque fortis
Germana Recti filia, grandibus
Erexit ausis! Finxit ad ardua,

Non parca Virtus; ipsa dextram
Ipsa rudes humeros, & ipsa
Hinc inde fatis impenetrabile
Aptavit altis pectus honoribus,
Et gaudet assedisse scamno
Aut socio comes ire gressu.
Non ille vultum finxit ad horridi
Edicta fati. non popularibus
Cessit laceffit us procellis
Consilij bene tectus arce.
Quâ parte cæli Præfidis arduos
Insculpo nisus? Quo satis æthere
Miranda temporum tuorum,
Acta Pater, monitusq; donem.

MVTIVS VITELLES CVS

Sextus GENERALIS Societatis IESV.

TVo laborant Sæcula nomini
In fracte Præses. Lustra etiam tibi
Annique coniurant, tuisque
Laudibus immoriuntur Anni
Pridem niuosi trans Boreæ domum,
Trans & refusos Oceani sinus
Audite MVTI! quin & ipse
Æoliæ moderator aulæ
E thesiarum præpetibus, tuum
Affingit alis nomen, in vltimos
Orbis voluturum recessus,
Quò rapidi celerata Cauri
Vel impotenti vix eat Africus
Adiutus Euro. Te tepidi Patrem,

Deuc-

Deuexa mundi, te recliuis
Americe, pluuiæque pauper
Siticulosis Africa montibus
Regnisque narrat. Te medijs procul
Europa demiratur astris,
Te Lybies Asiæque tractus
Patrem reposcunt. Pro te auidus tui
Iam pugnat æther! sidera dimicant,
Vterq; præliatur axis!
Sed tu auido, Pater astradiffer
Promisse cælo. nepropera citus
Magno Deorum concilio asseri;
Tuisq; fac longum clientes,
Moribus ingenioq; viuant.
Tuo monentis munere, nescius
Orbis repulsæ, Cælitibus rudem
Condiscit explicare palmam
Nec dubio fluitare voto
Inter frementum iurgia rituum
Notisq; numen vocibus alloqui,
Primoq; vagitu tonantem
Nosse Deum, Latijq; matrem
Condiscit! Olim quidquid adhuc rudis
Peccauit orbis, te duce posthuma
Reduxit in laudem, tuorum
Auspicio potiore Virtus,
Virtus honesti læta periculi, ac
Vtrinque pollens: leu timor æquoris
Enauigandus, barbarorum
Sole nigras minitetur oras
Aut vsque seram prouocet Indiam
Deuota pulchris pectora mortibus;

S

Excita

Excita seu rursus monenti
Bella placet reuocare signo
Parere fortes. Ibimus, ibimus
Formosa per vestigia Gloriæ
Patrum redordiri labores,
Et Socias geminare palmas;
Nec indecoro Sceptra Chinenfium
Letho pacisci, & Brasiliæ novos
Vrgere cæptus, & redemptas
Sanguine continuare lauros.

Gentilitijs Illustrissimæ Domûs
D A N I L O V I C I Æ
Sideribus, sacrum.

QUò pulchra versis Cynthia cornibus
Deliberato niteris impetu?
Cui tela moliris, facesqué?
Quò meritas age tendis iras?
An & propinqui ad fœdera prælij
Venit citatis ASCIA passibus!
Magnis DANILOVICIORVM
ASCIA conspicienda in astris!
Sic est: auitis immiserabilem
Oppugnat astris æthera: iam minas
Iam tela, iam vibrat minaces
Ore faces, oculisque latè
Vestigat, acri non sine prælio
Raptorem Olympum, testibus ilicet

Sic

Sic fata Diuis: Te querelis
Æthra meis, lachrymisq; raptor
Olympe prodam! Quò violentior
Extendis iras? inuide, quid mea
Impunè grassaris per astra
Damna nouis cumulasqué damnis?
Nam quid renarrem lumina Patrijs
Recisaab astris! Quid memorem retrò
Heroas additos Deorum
Concilis! Quid honora (fletu
Defuncta longo) funera persequar,
Pulchrasq; mortes, fataq; computem
Plorata nec quidquam per orbem
Damna mei pretiosa cæli.
Quæ saxa, vel quas carmine colligam,
Hinc inde rupes? quam tibi surgere
Suadebo molem? quæ Dearum,
Thura tuis adolebo templis?
Præses fluentum Cynthia Temporum,
Cui lustra nomen, Sæcula cui suos
Debent honores, festa debent
Otia, Olympiacosqué soles.
At tu secundis functa laboribus
Arundo felix. DANILOVICIO,
Inscribe sanctioris æui
Sæcula suspicienda cælo.
Quæ regna Solis, quæ procul vltimus
Agnoscat orbis. Roma diu legat
Diuiq; mirentur fauentes
Continuis radiare fastis.





CRACOVIAE,
In Officinâ Typographicâ, Valeriani
Piątkowski, Anno M.DC.XL.



XXIII. 1. 5. 6



